

ثابرات ن بُولوس اِ اِفاَسُوَسِيَّين

اَسْدَجَم

1 اَبُولوس، اَمَازان ن يَشُو لَمَسِيح علاَحساب رُخاضار ن اَرَبِّي، اِ اِمَقَدَّاسن ذي اِفاَسوس، اِنِّي يَوْمَنن ذي لَمَسِيح يَشُو. ² نِيَعْمَث ذ رَهْنا اَكِيذوم اِرِين زِي اَرَبِّي بابانغ وُ زِي سِيذِي يَشُو لَمَسِيح.

لباراكا اِ اِدْچان ذي لَمَسِيح

³ اَذ اِتوبارك اَرَبِّي، ثاباباث ن سِيذِي يَشُو لَمَسِيح وِتِي اِ ذ انغ اِبَاركن س مارا لباراكا ن اَرُوَح اِ اِدْچان ذَكْ وُجَتَا ذي لَمَسِيح، ⁴ اَم مامش تُوغا ذ انغ اِحْضار ذائِس قير ما اَذ ثِيرِي دُونِث، جِيما اَذ نِيرِي ذ اِمَقَدَّاسن نَبْرا رَعِيب قِيْبائِش نَس. ⁵ اَقَّا س ثائِرِي اِزوار اَذ انغ اِكْ ذ اِحْجِيرن اِ يِخَف نَس ذي يَشُو لَمَسِيح علاَحساب اَرَضا ن اَرَاي نَس ⁶ اِ وُسْمَعارن وُعودْجِي ن نِيَعْمَث نَس اِ زَايس اِكْا ذانغ اَرَضا نَس ذَكْ وُمَعِيَز. ⁷ ذايِس غارنغ اَفْكِي س اِذامَن نَس، اَغْفارن اِحْطان علاَحساب اَكْران نِيَعْمَث نَس ⁸ اِ تُوغا ذ انغ اِوشا س وُفِيض علاَحساب مارا ثِيغِيث ذ رَفْهامَث نَس. ⁹ وُشا اِسْناَرَكْب اَنْغ خ سَبِيَر ن رُخاضار نَس اِ اِدْچان علاَحساب اَرَضا نَس اَم ذ اس اِكْا نْتا رَحْساب سِيمانت نَس ¹⁰ وُ مان اَيَا اِ وُسُوْجذ ن رَكمارث ن مارا اِكُوْذن ن رُوْقْث، جِيما اَذ اِسْتَمون ذي لَمَسِيح مارا مِين اِدْچان ذَكْ اِحْوان وُ خ ثُمورْث غار اِحْج ن وُزْدَجِيف. ¹¹ ذايِس اِ ذ انغ اِكْا ذ اِورِيش علاَحساب لغاراض ن وِتِي اِكْا مارا اَم مامش ذ اس اِسْتَشْن اَرَاي نَس، ¹² جِيما اَذ نِيرِي اِ وُسْمَعارن وُعودْجِي نَس، نَشِين، اِنِّي تُوغا اِسْتِيْشَمَن قير ذي لَمَسِيح. ¹³ اَقَّا كَتَبو ذايِس رامي سَبْرِيْم اَوارن نِيْذت، رَحْبار اَصْبَحان ن وُسْنَجَم نوم، وُشا اَوارنِي رامي ثومَنن، نَكْسِيْم ذايِس اَشْمِيْع ن اَرُوَح اِقْدَسْن اِ تُوغا ذ انغ اِتَواواعْدن. ¹⁴ اَقَّا نْتا ذ رَعارَبون ن روارْث نَغ اِ وُفْكِي ن مِين غارس اِدْچان، اِ وُسْمَعارن وُعودْجِي نَس.

أَقَاذِي ذِ تَرَاذِجِث

¹⁵خ وُيُنِّي وُرا ذ نش، رامي سريغ خ لإيمان نوم ذي سيذي يَشُو وُخ ثايري إ غاروم إ مارا إمقداسن، ¹⁶وار بدغ شا أذ تقاذيع أربي إ كنيو، أم فكأرغ ذايوم ذي تَرَاذِجِث اِنُو، ¹⁷حيما أربي ن سيذيتنغ يشو لمسيح، ثاباباث ن وُعودجي، أذ اوم إوش أروح ن ثيغيث ذ وُسارُكُتْبِ ذِي طوع ن ثُموسنا نَس ¹⁸وُشا أذ اوم يارزم يَيطاوين ن رعفر نوم، حيما أذ نَسَم مان أسيثم ن تَرَاغِيث نَس ذ مان أكرأ ن وُعودجي ن روارث نَس ذِي مارا إمقداسن ¹⁹ذ مامش إمغار أطاس إ دجا جهذ نَس إ مارا إني يومنن علاحساب رُخدمت ن جهذ ن صولطا نَس ²⁰إ إخدمن ذي لمسيح وُمي ث-يد إسنكار زك إمتينن وُشا إك إث غار وُغزذيس أفويسي نَس ذك وُجنا ²¹سج إ كور أزدجيف ذ صولطا ذ جهذ ذ رحكامث ذ مارا إسم إتواسمان، ماثي ذي روقت-ا وها، ماشا عاوذ ذي نني إ د غا ياسن. ²²أقا ننا يار-اس-د مارا ساذو إضارن نَس وُشا إوش إث ذ أزدجيف خ مارا إ ثمسُمونت ²³نني ذ أريمث نَس، أقا نثا ذ أعمار ن وتي إعمارن كورشي ذي مارا.

س نيعمث إ زي تتواسنجم، س لإيمان

2 أقا ثوغا كنيو ذ إمتينن ذك إخطان ذ دنوب نوم ²مين ذي ثوغا ثيورم علاحساب روقت ن دُونيث-ا، علاحساب أمقران ن صولطا خ وازاي ن رعوين، أروح إ إخدمن ذي ناروا ن رُموعصيث. ³ثوغا-نغ مارا جراسن قبر، وُمي نضفار نشوات ن ويثوم نغ، نكأ مين إخس ويثوم ذ نيث وُشا ثوغا-نغ ذ ناروا ن لغاضاب علاحساب طبيعت نغ أمشناو إتنبي. ⁴ماشأ أربي، وتي إشورن س أرخمث، خ سبيث ن ثايري ثامقرات نَس نني إ خانغ إعين ⁵وُمي ثوغا-نغ عاذ ذ إمتينن ذك إخطان، أقا يار أنغ-د غار ثوذارت ألك-ذ لمسيح - أقا س نيعمث تواسنجم - ⁶أقا إسنكار أنغ-د وُشا إسغيما أنغ أكيس ذك وُجنا ذي لمسيح يشو، ⁷حيما أذ إشنن أفيض ن وَاكرأ ن نيعمث نَس ذك إكوذن ن روقت إ د غا ياسن أم إتك رضرافث ذائغ ذي يشو لمسيح. ⁸مينزي س نيعمث إ زي تتواسنجم، س لإيمان، وار إدجي زايوم، أقات-ذ ثاموشي ن أربي، ⁹وار ثدجي س رُخدمت، حيما وار إسمغاري وُرا ذ إج. ¹⁰أقا نشين نواك زايِس، نتواخرق-د ذي لمسيح يشو حيما أذ نك رُخدايم يِصبِحانين نني إ ذ انغ إسوجد أربي قبر.

أَرَبِّي اِتْكَّ رَهْنَا ذِي لَمْسِيح

¹¹ إوا عقرم، أَقَا زِيش تُوَعَا كَنِيوُ ذ رَكْنُوسُ ذَكَّ وَيُسُوم، تُوَاسَمَام 'تَبْرَا أَخْثَان' زَكَّ اِنِّي تُوَعَا س وَخْثَان ذَكَّ وَيُسُوم س إفاَسَن. ¹² رَخْذَنِّي تُوَعَا كَنِيوُ تَبْضَام خ لَمْسِيح، تَشَوَاقَصَم زِي رَحَقَّ ن وَمَزْدَاغ ن إِسْرَائِيل، أَقَا تَكْوَجَم أَم إِبَارَانِيِن خ رَعُوهُوذ ن زَوَاعْذ، وار ذَائِوم أَسِيثَم، وار غَارُوم أَرَبِّي ذِي دُونِيث. ¹³ ماشا رَحُو، ذِي لَمْسِيح يَشُو، أَقَا كَنِيوُ اِنِّي تُوَعَا اِكْوَجَن، أَقَا رَحُو تُودَسَم-د س اِذَامَن ن لَمْسِيح. ¹⁴ أَقَا تَنَّا ذ رَهْنَا نَع أَم د يَارَا تَنانِ نِّي غَارِ إِيح، أَقَا تَنَّا إَهْدَم أَغْبَار ن رَقْوَار وَتِي تُوَعَا ثِن إِبْضَان، ¹⁵ وَشَا خَنِّي إِبْضَر ذَكَّ وَيُسُوم نَس رَعْدَاوْث، ثَنِّي ذ تَاوْرَاث س رُوْمُور ذ تُوَصَّا نَس، جِيْمَا أَد إِخْرَق ذَكَّ يِيخَف نَس تَنانِ نِّي غَارِ إِيح ن بُنَادَم ن جَزِيذ، أَم اِتْكَّ رَهْنَا ¹⁶ وَشَا جِيْمَا أَد إِبْصَرَح تَنانِ نِّي اَك-ذ اَرَبِّي ذَكَّ اِشْت ن أَرِيْمْث س صَالِيْب أَم إِنْعَا رَعْدَاوْث ذَكَّ يِيخَف نَس. ¹⁷ أَم د يُوَسَا، تُوَعَا اِتْبَارَح س رَهْنَا اِكْنِيوُ اِ تُوَعَا اِكْوَجَن وَ اِنِيثْنِي اِ تُوَعَا يُوَدَسَن، ¹⁸ مِينْزِي زَائِس نَرْمَار أَد نَاذَف س تَنانِ اِذْنَع غَار تَبَابَاث س إِيح ن أَرْوَح. ¹⁹ أَمُو كَنِيوُ وار تَدَجِيْم عَاذ ذ إِبَارَانِيِن وَرَا ذ اِنُوَجِيون، ماشا كَنِيوُ ذ تَارَوَا ن ثَمُورْث اَك-ذ اِمَقْدَاسَن ذ اُنْتَبَاب ن تَاَدَارْث ن اَرَبِّي، ²⁰ تَنُوَابنَام خ ذَسَا س اِمازانن ذ اِمْكَاشافَن ن اَرَبِّي وَشَا اَزْرُو ن تَعْمَارْث أَقَا-ث ذ يَشُو لَمْسِيح سِيْمانْت نَس ²¹ وَتِي ذَائِس اِ غَا اِكْمان رَنْبِي مَارَا أَم اِتُوَاسْمُون مَلِيح وَشَا أَد اِذُور ذ تَاَدَارْث اِقْدَسَن ذِي سِيذِي، ²² وَشَا ذَائِس عَاوْذ أَد تَنُوَابنَام كَنِيوُ، أَد ثِيرِيْم ذ تازْدِيَعْت ن اَرَبِّي ذِي اَرْوَح.

بُولُوسُ ذ اَمْبَارَحِ اِ رَكْنُوس

3 اِخْ وَبِنِي نَش، بُولُوس، أَقَا-بِي ذ اَمْحُبُوس ن لَمْسِيح يَشُو اِكْنِيوُ اِنِّي اِذْجَان زِي رَكْنُوس. ¹ أَقَا تَسْرَام خ وَوَكْر ن تِيْعْمْث ن اَرَبِّي اِ ذ اِيي اِمُوشَن خَاوَم، ³ بَلِي اِتُوَاسَارْكَب اَبِي-د سِيْر، أَم اِزَارْغ وَرِيغ اَوْم-د س ذُرُوس. ⁴ خَمِي اِ غَا نَعْرَام مان اِيَا، تَرْمَارَم أَد تَفْهَم رَفْهَامْث اِنُون سِيْر ن لَمْسِيح، وَتِي وار اِتُوَاسَارْكَب شا ذِي تَارَوَا ن اِوْذَان ذِي جِيْرَاث ن زِيش، أَم مَامْش اِتُوَاعارا خَاس رَحُو س اَرْوَح اِ اِمازانن ذ اِمْكَاشافَن اِمَقْدَاسَن نَس. ⁶ أَحَقَّا اِنِّي زِي رَكْنُوسُ ذ اِورِيشَن اَكِيذَسَن، نِيثْنِي زِي اَرِيْمْث ذ اِشْتَن وَشَا غَارَسَن تاسْغَارْث ذِي رَوَاعْذ ذِي لَمْسِيح يَشُو س رَحْبَار اَصْبَحان ⁷ اِ زِي نَش ذُورْغ ذ اَمْسَخَار علاْحَسَاب ثامُوشِي ن تِيْعْمْث ن اَرَبِّي اِ ذ اِيي اِمُوشَن علاْحَسَاب جَهْذ نَس اِ ذَائِي اِخْدَمَن. ⁸ أَقَا تَمُوش اَبِي تِيْعْمْث-ا، اِ نَش ذ اَمُوقْرِيْر جَار قَاع اِمَقْدَاسَن، جِيْمَا أَد بَارْعَغ س واكْرَا ن لَمْسِيح اِ وار نَرْمَار اَد نَفْهَم، ⁹ وَشَا جِيْمَا أَد سُوقْعَغ غَار تَفَاوْث

اِ مَارًا، مِين اِخْس اَذ يِينِي وُوكَر ن سِيِر اِ ثُوغا اِنُوَقَارَن ذِي قَاع رُوَقْت ن زِيَش ذِي اِرْبِي اِ د اِخْرَقَن مَارًا مِين اِدْچَان س يَشُو لَمْسِيح،¹⁰ جِيما ثِيغِيث ن اِرْبِي زَكْ واطَّاس ن اِغْرُذِيَسَن نَس اَذ ثِيْرِي ثْتَواسَنَن س ثَمْسُمُونَت غَار مَارًا رُحُوَكَّام ذ صُوَلَاطَات ذَكْ وُجَنَّا¹¹ اِعْلَاْحَسَاب لَغَاراض نَس ن رِبْدَا وِنِي ث اِكْمَرَن ذِي لَمْسِيح يَشُو سِيَذِيَنِيغ. ¹² ذايَس ذِي لَمْسِيح اَقَّا غَارَنِيغ ثارِياسْت ذ وَاذاف اَم خاس نَشْر س لايْمَان ذايَس. ¹³ خ وُيْنِي تْرَاوَنِيغ كَنِيو ماحَنَد وار تِيحْرَم شا س رَحْصَارْت اِنُو ذِي طُوَع نُوْم. اَقَّا مان اَيَا ذ اِعُوَدْجِي اِ كَنِيو.

تازادجِيث ن بُوَلوس خ اِفاَسُوَسِيِين

¹⁴ خ سِيِيْت-ا اَذ اَضارغ س اِفاذَن اِنُو زَاث اِ ثاباَث ن سِيَذِيَنِيغ يَشُو لَمْسِيح ¹⁵ وِنِي اِ خَف اِتْواسَمَّا مَارًا وِي اِدْچَان ذَكْ اِجْنَوَان ذ ثُمورْت، ¹⁶ جِيما اَذ اوم اِوَش اِعْلَاْحَسَاب اَكْرَا ن وُعوُدْجِي نَس وُشا جِيما اَذ ثْتواسَجْهَدَم س جْهَد ذِي بِنادَم ن ذَاخِر ¹⁷ جِيما لَمْسِيح اَذ اِزْدَغ ذَكْ وُراوَن نُوْم س لايْمَان، اَم ثوْتِيْم اِزْوران وُشا اَذ ثِيْرِيْم ثْتوازوم ذِي ثايْرِي، ¹⁸ جِيما اَذ ثوْتارْم اَذ ثْفَهْمَم اَك-ذ مَارًا اِمَقْداسَن، مِين نَعْنَا ثِيْرُو ذ ثُووَكْاَرْت ذ رُوَعْرَا ذ رَاذْچَاغ، ¹⁹ اَذ ثَسَنَم ثايْرِي ن لَمْسِيح اِ اِدْچَان سَنَج اِ ثُموسنا مَارًا، جِيما اَذ ثِيْرِيْم ثَعْمَارَم س مَارًا اَعْمَارَم ن اِرْبِي. ²⁰ نَتَّا غَارَس ثِيْرِمَار جِيما اَذ اِكْ مَارًا اَطَّاس س واطَّاس سَنَج اِ مِين نَتَّار نِيغ نَتْخارَص اِعْلَاْحَسَاب جْهَد اِ اِخْدَمَن ذايَس، ²¹ نَتَّا اِكْاَر اَس-د اِعُوَدْجِي ذِي ثَمْسُمُونَت ذِي لَمْسِيح يَشُو ذِي مَارًا جِيْرَات اِ رِبْدَا قَاع. اَمِين.

اِشْت ن اَرِيْمْت ذ اِجَّ ن اَرُوْح س لَمْسِيح

4 اِخ وُيْنِي نَش زِيْتارغ خاوم، نَش ذ اَمْحَبُوَس ن سِيَذِي، جِيما اَذ ثُوْتورْم س وُوقَّار اِ ثْرَاغِيْت اِ زِي ثْتواراغام، ² اَم ثَقَبْرَم اِجَّ وَنْضَبِي ذِي ثايْرِي س مَارًا اُواضَع ذ ثْمَهِيْنَت ذ تاسِيَع ن رَخاضار ³ وُشا ثَشْضارْم اَذ ثُمونَم ذ اِجَّ ذِي اَرُوْح س ثَسْعُونَت ن رَهنا، ⁴ اِشْت ن اَرِيْمْت ذ اِجَّ ن اَرُوْح، اَم ثْتواراغام ذَكْ وُسيْتَم ن ثْرَاغِيْت نُوْم ذ اِجْن: اِجَّ ن سِيَذِي ذ اِجَّ ن لايْمَان ذ اِجَّ ن وُسْعُضاص، ⁶ اِجَّ ن اِرْبِي ذ ثاباَث ن مَارًا (=بابانْغ مَارًا)، وِنِي اِدْچَان خ مَارًا وُ س مَارًا وُشا اَقَا-ث ذانِيغ مَارًا. ⁷ ماشا نِيَعْمَت ثَمُوش اَنَغ مَارًا اِذْنَع اِعْلَاْحَسَاب مِين ذ انغ اِوْشا لَمْسِيح. ⁸ خ وُيْنِي اِقَّار ”اَم اِكْاَعَد غَار رُوَعْرَا، اِطْف اِمْحَباس وُشا اِوْشا ثِيْموشا اِ اِوْذَان.“ ⁹ مِين اِعْنَا اُوار-ا ”نَتَّا اِكْاَعَد سَنَج“ مَعِيْر اَقَّا نَتَّا غَار وُمزوار ثُوغا اِهو-د غَار طْرُوفا ن ثُمورْت ن وَاذاي. ¹⁰ وِنِي ثُوغا د اِهوَان، نَتَّا عاوْذ ذ وِنِي ثُوغا

إكاعذن سنح إ مارا إجنوان، جيما أذ إسبوض مارا غار ركمارث. ¹¹ وُشا ننا يارا شا ذ إمازان، شا ذ إمكاشافن، شا ذ إمبشارن، شا ذ إمكساون وُ شا ذ إمسرماذن، ¹² جيما نيثي أذ كُونن إمقداسن إ رُخدمث ن تُسَخارث، إ رُبني ن أريمث ن لمسيح ¹³ أَر إ د غا نواض مارا غار وُموني ن لإيمان ذ ثُموسنا ن ميس ن أربي، غار صيفت ن بناذم إكمر، غار رُقد ن صيفت ثُمون ن لمسيح، ¹⁴ جيما وار نتييري عاذ ذ إقوبانيين، خمي نتوعارن زي طارف غار ونضني أم نتواكسي س كور أسميض ن وُسرمذ س رُغش ذ نُحرايمشث ن إوذان إ إساكواضن غار وُودار، ¹⁵ ماشا، أم نطف ذي ثيدت س نايري، أذ نكُما ذي مارا إ ننا ذ وني ذ أذجيف، أقات ذ لمسيح، ¹⁶ إ زي ثكُما أريمث مارا، أم تُنجرو وُ نتواسمُون زي مين ذ اس إوشين كور رمفاصر علاحساب رُقد ن رُخدمث ن كور إح ن إحف إ رُبني ن بيحف نس ذي نايري.

ثا روا ن ثفاوث

¹⁷ نش قارغ وُ شهذغ مان أيا ذي أربي، جيما وار تُكُورم عاذ أمشناو مامش وُبورن إنضني زي رُكُوس، إني إتحاراصن ذي رباطر. ¹⁸ أقا رُعفر نسن إبارشن، نيثي كُوجن خ نُودارث أكذ أربي أم إبارانيين خ سبيث ن تُقوبانشت إ إدجان دايسن، خ سبيث ن رُفساحت ن وُر نسن. ¹⁹ نيثي ذورن وار تيشين شا، سلْمن إحف نسن إ وُفوشح، جيما أذ كن مارا رُخمج س مزي. ²⁰ ماشا وار إدجي أمو إ نسَم لمسيح، ²¹ مارا زعما كنيو نُوغا نُسرام خاس وُشا نتواسرْمذم دايس، أمشناو ثيدت إ إدجان ذي يشو، ²² بلي زي جيهث ن ثيشري نوم ن زيش أذ تُجم بناذم أقديم إ غا إتواسخسارن س نشواث إغشن نس ²³ وُشا أذ نتواعدرم زي جديذ س أروح ن رُعفر نوم، ²⁴ أذ ثيارضم بناذم ن جديذ إ ذ إتواخرقن ذي صيفت ن أربي ذي تُسكُذا ذ تُقداسث س ثيدت. ²⁵ خ وُنيي جَم إخاريقن، سيورم ثيدت كور إح أكذ وُمقارب نس، مينزي نشين ذ إخفاون إجن إ ونضني. ²⁶ خيتم، وار تكُم شا دُوب، وار نُجي أذ نُعري نُفوشث خ وُخيق نوم. ²⁷ وار تيشم شا أمشان إ إريس. ²⁸ وني نُوغا ذ أخوان، وار إقيم إتاشار عاذ، ماشا حسن أذ إك تُشوني س إفاسن ماحذ إزمار أذ زابيس إوش إ إني إحداجن. ²⁹ وار د إنك شا واور إخمجن زك وُقموم نوم، ماشا مين إصبحن إ رُبني أم مامش إتحصا، جيما أذ تسبوضم نيعمث إ إني إ غا إسران. ³⁰ وار تسفوكُم شا أروح إقدسن ن أربي إ زي نتواختمن أراسن ن وُفكي نوم. ³¹ كسم زايوم مارا نارزوكي ذ ثفقاقت ذ لغاضاب ذ إغويان ذ وُشقف ذ مارا نُوعفنا. ³² ضارفم وُكَم ثاخنونشت، سامحم إ وياويا أمشناو أربي عاوذ أقا إغفار كنيو ذي لمسيح.

5 اِرِيَم ذِ اِمَضْفَارِن ن اَرِّي اَم اِحْنَجِرِن اِعِيَزِن، ² وُيُورَم ذِي ثَايِرِي اَمَشْنَاو اُورَا ذِ لَمَسِيحِ ثُوغَا اِتْخَس اَنْغ، اِوْشَا اِحْف نَسْ خَانِغ ذِ ثَاغَارَصْت اِرِّي، اَقَا-ت ذِ اِشْت ن رَفَوَا حْت ثَا صَبْحَانْت. ³ مَاشَا خِ ثُوَقْحِيِثِ ذِ مَارَا رَحْمَجِ ذِ طَمَع، وَا رِ خَاسِ اِتِيرِي بُو وَاوَار اَم مَامَشِ اِشُووَار اِمَقْدَاسِن، ⁴ اُورَا خِ وُبَهْدَرِ نِيغِ زَحَارَصِ اُبُوَهَارِي نِيغِ ثَا قَصَّارْت وَا اِضْبِيَعِن. مَان اَيَا وَا اِشُووَار شَا، مَاشَا اَقَا ذِي. ⁵ مِيَنزِي ثَسْنَمِ ذِ كَا بَلِي اُورَا ذِ اِحْ وَنِي اِقْحَبِن نِيغِ اِسْحَمَّاجِن نِيغِ اِضْمَاعِن، اَقَا-ت ذِ وَنِي اِعْبَدِن لَاصْنَام، وَا رِ غَارَسِ ثُدْجِي ثَسْغَارْت ن رَوَارْت ذِي ثُكْلُدِيْتِ ن لَمَسِيحِ ذِ اَرِّي. ⁶ وَا رِ كَنِيو اِغْكُوِي حِدِ سِ وَاوَارِن اِخْوَان، اَقَا زِي مَان اَيَا دِ اِهْكُوَا لَغَا ضَابِ نِ اَرِّي خِ ثَارُوَا نِ رَمُوَعِصِيَّتِ. ⁷ وَا رِ شَارَشَمِ شَا اَكِيْدَسِن، ⁸ مِيَنزِي زِي شِ ثُوغَا كَنِيو ذِ ثَا دُجَسْت، مَاشَا اَقَا رَحُو كَنِيو ذِ ثِيْفَاوْتِ ذِي اَرِّي. وُيُورَم اَم ثَارُوَا نِ ثَفَاوْتِ، ⁹ مِيَنزِي رَغِيْدُجْتِ نِ اَرُوْحِ اِتِيرِيْنِ ذِي مَارَا ثُشُوْنِي ذِ ثُسْكُنَا ذِ ثِيْدْت، ¹⁰ اَم ثُقْدُجِمِ مِيْنِ اِغَا يَارِضَانِ اَرِّي. ¹¹ وَا رِ شَارَشَمِ شَا ذِي رَحْدَايِمِ ثِيْبَارِشَانِيْنِ اِ وَا رِ دِ اِتِيوِيْنِ رَغِيْدُجْتِ، مَاشَا حَسَنِ اَذِ ثَنْت-يِدِ ثَسْضَهَارِمِ. ¹² مِيَنزِي مِيْنِ تَكْنِ ذِي ثُنُوْقْرَا، اَقَا اَذِ زَايَسِ ثَصْضَحِيْدِ مَغِيْرِ حَمِي خَاسِ اِغَا ثَسِيوْرِدِ وَا هَا. ¹³ مَارَا مِيْنِ اِغَا اِتُوَا سْضَهَارِنِ زِي ثَفَاوْتِ، اَذِ دِ اِبَانِ، ذِ مَارَا مِيْنِ دِ اِبَانِ، اَقَا-تِ ذِ ثِيْفَاوْتِ. ¹⁴ اِخِ وُيُنِي اِقَارِ ”فَا قِ شِكِ، اَبُو يِيْضِضِصِ. كَار-دِ زَنْ اِمْتِيْنِ وُشَا اَذِ خَاكِ اِكْتِ لَمَسِيحِ ثِيْفَاوْتِ.“ ¹⁵ سِ وُيُنِي خَزَارِمِ مَلِيحِ مَامَشِ اِغَا ثُكُوْرَمِ، مَاشِي اَم اِبُوَهَارِيْنِ مَاشَا اَم اِمِيغِيْسِن، ¹⁶ مَاحِنْدِ اَذِ ثَاوِيْمِ اَرِيْقِي اِرُوْقْتِ-ا، مِيَنزِي وُشَانِ-ا ذِ اِعْفَانِ. ¹⁷ وَا رِ تِيْرِيْمِ ذِ اِبُوَهَارِيْنِ مَاشَا فَهْمِمِ مِيْنِ اِحْسِ اَرِّي. ¹⁸ وَا رِ تَسْشَارَامِ شَا سِ يِيْنُو اِ دِ اِتَاوِيْنِ غَارِ رَقْجَا حْتِ، مَاشَا اِرِيْمِ ثَعْمَارِمِ سِ اَرُوْحِ، ¹⁹ اَم ثَسَاوَارِمِ جَارَاوِمِ سِ اِسْبِيْحِنِ ذِ اِرْزَانِ نِ وُسْمَغَارِ ذِ اِرْزَانِ سِ اَرُوْحِ، ثَغْنَجِمِ وُ ثَسْرِيوْرُوْمِ ذِ كِ وُرِ نُوْمِ اِرِّي ²⁰ اَم ثُقْدَا مِ ذِي كُوْرِ رُوْقْتِ خِ مَارَا اِرِّي ثَابَابَا تِ ذِ كِ يِيْسَمِ نِ سِيْذِي يِشُو لَمَسِيحِ، ²¹ وُ ثَنُوَا ضَعْمِ اِحْ اِ وَنْضِيْنِي ذِي ثِيْكُوْذِي زِي اَرِّي.

رَمْرَاشِ ذِ تَا صَوِيْرْتِ نِ لَمَسِيحِ ذِ ثَمْسُمُوْنْتِ

²² اَثِيْمَغَارِيْنِ، وَا ضَعْنْتِ اِ يِرِيَا زِنِ نَكْنْتِ اَم مَامَشِ ثَنُوَا ضَعْنْتِ اِ سِيْذِي، ²³ مِيَنزِي اَرِيَا زِ اَقَا ذِ اَزْدُجِيْفِ نِ ثَمْغَارْتِ اَمَشْنَاوِ عَاوْذِ لَمَسِيحِ ذِ اَزْدُجِيْفِ نِ ثَمْسُمُوْنْتِ وُشَا نَتَا ذِ اَمْسَنْجِمِ نِ اَرِيْمْتِ. ²⁴ اَمَشْنَاوِ ثَامْسُمُوْنْتِ ثَنُوَا ضَعِ اِ لَمَسِيحِ اَمْنِي عَاوْذِ ثِيْمَغَارِيْنِ اِ يِرِيَا زِنِ نَسْنْتِ ذِي مَارَا. ²⁵ اَرِيَا زِنِ، حَسْمِ ثِيْمَغَارِيْنِ نُوْمِ اَم مَامَشِ ثُوغَا اِحْسِ لَمَسِيحِ ثَامْسُمُوْنْتِ وُشَا اِسْلَمِ اِحْفِ نَسِ ذِي طُوْعِ نَسِ، ²⁶ حِيْمَا اَذِ تِ يَارِ ذِ ثَامَقْدَاسْتِ اَمِ ذِ اِسِ اِسِيْزْدِكِ سِ

وُسِيرْدَن وَاْمَان سِ وَاوَار، ²⁷حِيْمَا اَذْ اِكْتَّ ثَامْسُمُونْت قِيْبَاتَشْ اِ يِيخْف نَسْ سِ وُغُوْدَجِي نَبْرَا اَبْقِيضْ نِيغْ اَشْبِرِيْقْ، مَاشَا اَذْ ثِيْرِي ذِ ثَامَقْدَاسْتْ وُ نَبْرَا رَعِيْب. ²⁸اَمُو اِنْحَصَّ اَذْ حَسَن يِرْيَاذَن ثِيْمَغَارِيْن نَسْنِ اَمْ اَرِيْمْتْ نِ يِيخْف نَسْنِ. اَقَا وَنْيِ اِنْحَسَن ثَامَغَارْتْ نَسْ، اَقَا اِنْحَسْ اِخْف نَسْ. ²⁹وَرَا ذِ اِجْ وَاَر اِشَارَه اَيُسُوْم نَسْ، مَاشَا اِسْتَاثْ، اِنْحَاوَارْ خَاسْ اَمْ مَامَشْ اِنْحَاوَارْ عَاوُذْ لَمْسِيْحْ خِ ثَمْسُمُونْت. ³⁰نَشِيْنِ ذِ اِخْفَاوْنِ نِ اَرِيْمْتْ نَسْ، نِ وَيُسُوْم نَسْ وُ نِ اِغْسَانْ نَسْ. ³¹خِ وُيْنِيْ اَرْيَاذْ اَذْ اِجْ يِمَاسْ ذِ بَابَاسْ مَاحْنَدْ اَذْ اِقْنْ غَارْ ثَمَغَارْتْ نَسْ، اَذْ اِرِيْنِ سِ نَثَايْنِ اِذْسَنِ ذِ اِسْتْ نِ اَرِيْمْتْ. ³²سَيِّرَا- ذِ اَمَقْرَانْ، مَاشَا نَشْ قَارْغْ ثِ زِي جِيْهَتْ نِ لَمْسِيْحْ ذِ ثَمْسُمُونْت. ³³مَامَشْ مَا ثُوْسِي-دْ، اَذْ اِخْسْ كُوْرْ اِجْ ثَامَغَارْتْ نَسْ اَمَشْنَاوْ سِيْمَانْتْ نَسْ وُشَا ثَامَغَارْتْ اَذْ ثُوْقَارْ اَرْيَاذْ.

لَوَالِيْدِيْنِ ذِ اِحْنَجِيْرِنِ

6 ¹اِحْنَجِيْرِنِ، طَاعَمِ اِ لَوَالِيْدِيْنِ نُوْمِ ذِي سِيْدِي، مِيْنَرِيْ مَانْ اَيَا نِيْشَانْ اِ يِدْچَا. ²”وَقَارْ بَابَاشْ ذِ يِمَاشْ“، اَقَا-تْ ذِ ثَاوَصِيْتْ ثَامَزَاوْرُوْتْ سِ اِجْ نِ رَوَاعِذْ، ³”حِيْمَا اَذْ ثِيْرِيْمِ مَلِيْحْ وُشَا اَذْ ثِدَارْمِ اَطَاسْ ذِي ثَمُوْرْتْ.“ ⁴”كَنْبُو، اِ اِبَابَاثِنِ، وَاَرْ سَعَارْمِ شَا ثَارُوَا نُوْمِ، مَاشَا اَرَبَامْ ثِنِ سِ وُسْتَفْ وُ سِ وُكُوْذْ نِ اَرَبِيْ.

اِسْمَغَانِ ذِ اَيْثِيَابِ نَسْنِ

كَنْبُو، اِ اِسْمَغَانِ، طَاعَمِ اَيْثِيَابِ نُوْمِ ذِي دُوْنِيْتْ-اِ سِ ثِيْكُوْذِيْ ذِ ثَارِجِيْجِيْتْ وُ سِ رَضْفَايْتْ نِ وُرَاوْنِ نُوْمِ، اَخْمِيْ اِ لَمْسِيْحِ، ⁶وَاَرِ اِذْجِيْ اَمْ اِيْنِيْ ذِ اَسْنِ يَارْضَانْ قِيْبَاتَشْ اِ ثِيْطَاوِيْنِ نَسْنِ، مَاشَا اَمْ اِسْمَغَانِ نِ لَمْسِيْحِ، اِنِّيْ اِتْكَنْ اَرَايْ نِ اَرَبِيْ سِ وُرْ، ⁷اَمْ ثَخْدَمْمِ سِ رُخَاضَارْ اَمَشْنَاوْ اِ لَمْسِيْحِ، وَاَرِ اِذْجِيْ اِ اُوْذَانِ. ⁸”اَقَا ثَسْنَمِ مَارَا ذِيْنِ حَدِ، اِسْمَغْ نِيغْ ذِ اَخُوْرِيْ، اِ غَا اِكْتَنْ ثَاَصْبِحَانْتْ، اَرَبِيْ اَذْ غَارَسْ يَارْ عِلَاحْسَابِ مِيْنِ اِكْتَا.“ ⁹كَنْبُو، اِ اَيْثِيَابِ، كَمْ اَمْنِيْ اَكِيْدَسْنِ، وَاَرِ ثِنِ سِيْكُوِيْدَمِ شَا. كَنْبُو ثَسْنَمِ، اَقَا سِيْدِيْثُوْمِ ذِكْ اِجْنُوَانِ وَاَرِ اِتْكَ بُوْ سِ وُذْمَاوْنِ.

اَرُوْضِ نِ رَسْنَاْحِ نِ اَرَبِيْ

¹⁰غَارْ وُْمَزُوْرُوْ، اِ اَوُمَانِنِ، مَحْضَمِ ذِي سِيْدِيْ وُ ذِي ثُرْمَارِ نِ جِهْدِ نَسْ. ¹¹اَرَضْمِ سِ مَارَا رَسْنَاْحِ نِ اَرَبِيْ، حِيْمَا اَذْ ثَسْبَدْمِ ثَاَحْرَايْمَشْتْ نِ اِرْبِيْسِ. ¹²”اَقَا وَاَرِ نَتْمَنْغِيْ شَا اَكْ-ذِ وَيُسُوْمِ ذِ اِذَامْنِ، مَاشَا اَكْ-ذِ رُحُوْكَامِ ذِ صُوْلَاطَاتِ ذِ اَرُوِيَاسِ نِ ثَاذْچِسْتْ نِ دُوْنِيْتْ-اِ

(=روقت-ا) وُشا اَك-ذ اَرُوَحَات ثِيَعَفَانِيِن ذَكْ وُجِنَّا. ¹³ خ وُيِنِّي اَرُضَم س مارا رسناح ن اَرَبِّي ماحنذ اذ شمعارام ذَكْ واسَّ اَعْفَان وُشا اذ ثُبْدَم، خُمِي اِغا ثِكْمَرَم كُورِشِي. ¹⁴ خَنِّي مَحْضَم، ثُبَيْسَم س ثِيذَت، سَنُورِيَم اِذمارن نُوَم س ثُسْكُنْدا، ¹⁵ اذ اِرِين اِضاران نُوَم نُوَاقِن س رُخاضار اِ رُخبار اَصْبَحان ن رُهنا ¹⁶ اَم ثَسَنُورُوِيَم اِخَف نُوَم س لايَمان اِ زِي اِغا ثَسَخْسِيَم مارا فَرِيشاث اِتْحَدُوْدُوَقن س ثُمَسِّي ن وُعْفان. ¹⁷ كَسِيَم نَأَبَارْت ن وُسَنجَم ذ سَيَف ن اَرُوَح اِ اِذچان ذ اوار ن اَرَبِّي ¹⁸ اَم ثِتْرادچام رَبْدا ذِي اَرُوَح س مارا نازادجيث ذ دَعاوِي، اَم ثَحْضام مان اَيَا سِيَمانت نَس س مارا صَبار ذ دَعاوِي ذِي طَوَع ن مارا اِمَقْداسن ¹⁹ وُرا ذِي طَوَع اِنُو، جِيما اَرَبِّي اذ اِيبي اِكَّ اوار ماحنذ اذ اَرزَمغ اَقْمُوَم اِنُو س ثُرِياسْت جِيما اذ سَارَكْبِغ سَيَر ن رُخبار اَصْبَحان، ²⁰ اِ زِي نَش ذ اَمَسْكِي س سَناسر، جِيما اذ خاس سَوْرغ س ثُرِياسْت اَم مامَش اِشُووَر اذ سَوْرغ، ²¹ جِيما اذ ثَسَنَم مامَش اِغا بِيَرِي وُمدور اِنُو مِيخَف ذ اوم اِغا اِخْبَار ثِيَشِيكُوس مارا. اَقا نَتا ذ وُما اِعِيَزَن ذ اَمَسْخار اَصْدِيَق ذِي اَرَبِّي. ²² اَقا سَكْغ ث-يَد اِ مان اَيَا سِيَمانت نَس، جِيما اذ ثَسَنَم اَمْدور نَغ وُشا جِيما اذ دايوم يَكَّ وُر.

اَسْدَجَم اَنكَارُو

²³ رُهنا ذ ثايرِي س لايَمان زِي اَرَبِّي ثاباباث وُ زِي سِيَذِي يَشُو لَمَسِيح اذ اِرِين اَك-ذ ثاوَماث. ²⁴ ثِيَعْمَث اذ ثِيَرِي اَك-ذ مارا اِنِّي اِتْحَسَن سِيَذِي يَشُو لَمَسِيح نَبْرَا رَعَش.